



Na osnovu člana 64. stav (1) tačka a) i člana 70., Zakona o javnim nabavkama BiH („Službeni glasnik Bosne i Hercegovine”, br. 39/14, 59/22 i 50/24) i člana 18. Poslovnika Centralne izborne komisije Bosne i Hercegovine („Službeni glasnik BiH”, broj 32/23, Prečišćen tekst), na preporuku Komisije za nabavku opreme sistema za biometrijsku identifikaciju birača i za skeniranje glasačkih listića na biračkim mjestima datu u Zapisniku o pregledu i ocjeni ponuda broj: 07-2-16-3-893-219/25 od 18.03.2026. godine, Centralna izborna komisija Bosne i Hercegovine je na 21. sjednici održanoj 19.03.2026. godine, d o n i j e l a

O D L U K U

o izboru najpovoljnijeg ponuđača

(1) Ugovor za nabavku **opreme sistema za biometrijsku identifikaciju birača i za skeniranje glasačkih listića na biračkim mjestima** dodjeljuje se Grupi ponuđača u čijem sastavu su „Smartmatic BH” d.o.o., 71 000 Sarajevo, **nosilac grupe** i “Smartmatic International Holding” B.V. Amsterdam, Nizozemska i “DSC” Agencija za zaštitu ljudi i imovine, Ante Fijamenga 14 B, 71 000 Sarajevo, članovi grupe ponuđača.

(2) Ponuda Grupe ponuđača iz stava 1. ove odluke zadovoljava sve kvalifikacione uslove utvrđene tenderskom dokumentacijom u predmetnom otvorenom postupku nabavke, ponuđena tehnička specifikacija je u skladu sa zahtjevima postavljenim u tenderskoj dokumentaciji i ponuđena cijena je niža (povoljnija) u odnosu na drugorangiranog ponuđača.

(3) Grupi ponuđača iz stava (1) ove odluke, će biti dodjeljen ugovor na ukupnu vrijednost u iznosu **od 74.527.455,84 KM bez PDV-a sa uračunatim popustom od 10% od ponuđene cijene 82.808.284,27 KM, a koji iznosi 8.280.828,43 KM.** Navedeni ponuđač nije PDV obveznik. Ugovor se dodjeljuje na period od četiri (4) godine, sa rokom isporuke opreme od 139 dana od dana potpisivanja ugovora i produženom garancijom od 5. godina .

(4) Ugovor će biti dodjeljen u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.

(5) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka, međunarodni platni razred. Obavještenje o nabavci objavljeno je na portalu Javnih nabavki, 794-1-1-170-3-19/25 od 14.11.2025.godine i Ispravka za obavještenje o nabavci broj: 794-1-1-170-8-21/25 od 01.12.2025.godine; broj: 794-1-1-170-8-22/25 od 24.12.2025.godine; broj: 794-1-1-170-8-1/26 od 14.01.2026.godine i broj: 794-1-1-170-8-2/26 od 20.01.2026.godine.

Do krajnjeg roka za prijem ponuda do dana 02.02.2026. godine primljene su četiri ponude, – ponuđača „Provis“ d.o.o., Bijeljina, Vojvode Stepe 14, ¼, 76 300 Bijeljina, Grupe ponuđača „Planet Soft“ d.o.o. Banja Luka Svetozara Markovića br. 5. 78 000 Banja Luka, nosilac Grupe, u čijem sastavu su “MIRU Systems CO” LTD, Republika Koreja, „Katarina“ d.o.o. Mostar, Ante Starčevića br. 48. 88 000 Mostar i „Core“ d.o.o. Sarajevo, Marka Marulića br. 2. 71 000 Sarajevo (u daljem tekstu: Grupa ponuđača „Planet Soft“ d.o.o. Banja Luka), ponuđač „Artco Group“ d.o.o., Marka Marulića br. 2, 71 000 Sarajevo i Grupa ponuđača “Smartmatic BH” d.o.o., 71 000 Sarajevo, nosilac Grupe, u čijem su sastavu “Smartmatic International Holding” B.V. Amsterdam,

Nizozemska i "DSC" Agencija za zaštitu ljudi i imovine, Ante Fijamenga 14 B, 71 000 Sarajevo (u daljem tekstu: Grupa ponuđača "Smartmatic BH" d.o.o. Sarajevo).

Komisija za javnu nabavku imenovana Rješenjem broj: 07-2-16-3-893-1/25 od 09.10.2025. godine i broj: 07-2-16-3-893-19/25 od 14.10.2025. godine (u daljem tekstu: Komisija) je dana 18.03.2026. godine dostavila Zapisnik o pregledu i ocjeni ponuda u predmetnom postupku nabavke broj: 07-2-16-3-893-219/25 od 18.03.2026. godine sa preporukom za izbor najpovoljnijeg ponuđača, koji je u prilogu ove odluke.

Komisija je u postupku pregleda ponuda utvrdila da je ponuda ponuđača – „Provis“ doo, Bijeljina, Vojvode Stepe 14, 1/4, 76 300 Bijeljina neprihvatljiva i nepravilna u smislu odredbe člana 2. tačka 1) alineja 2) i 3) Zakona o javnim nabavkama BiH („Službeni glasnik Bosne i Hercegovine", br. 39/14, 59/22 i 50/24) (u daljem tekstu: Zakon), jer ponuđena cijena prelazi planirana sredstva ugovornog organa za predmetnu nabavku i nisu dostavljeni dokazi traženi tenderskom dokumentacijom niti Tehnički dio dokumentacije. Stoga se ponuda ponuđača „Provis“ doo, Bijeljina odbacuje kao neprihvatljiva i nepravilna.

Komisija je u postupku pregleda ponude Grupe ponuđača „Planet Soft“ d.o.o. Banja Luka utvrdila da ista nije dostavljena u skladu sa zahtjevima propisanim tenderskom dokumentacijom u pogledu svih tehničkih uslova i to:

- a) Ponuđač nije dostavio konkretne i provjerljive podatke o tehničkoj opremljenosti i mjerama sigurnosti, kako je zahtijevano tačkom 13.5.2. i Aneksom 9 – Prilog 1 TD, već samo opštu izjavu, konkretno:
- Navodi u ponudi su u značajnom dijelu dati u budućem vremenu („biće“, „će dostaviti“), što ne potvrđuje da traženi tehnički i sigurnosni uslovi postoje u trenutku podnošenja ponude.
 - Dostavljeni projektni plan video nadzora ima karakter koncepta, te ne predstavlja dokaz o stvarno uspostavljenom sistemu nadzora nad traženim prostorima.
 - Postoji kontradiktornost u dostavljenim dokazima – s jedne strane Izjava da ponuđač već ispunjava uslove, a s druge strane navodi iz Priloga koji upućuju da će ti uslovi tek biti ispunjeni.

Zbog navedenog, ponuđač nije uvjerljivo dokazao da raspolaže traženim tehničkim kapacitetima i sigurnosnim mjerama (posebno video nadzorom nad kompletnim prostorom, prostorima za štampu, pakovanje i kontrolu), niti je omogućena provjera ispunjenosti minimalnih uslova.

- b) Ponuđač nije dostavio traženi VVSG certifikat, a dostavljeni ekvivalentni dokaz (Test report) ne potvrđuje ispunjenost zahtjeva u pogledu brzine, preciznosti i pouzdanosti skenera, uključujući upitnu pravnu validnost, budući da sadrži klauzule da kopije nisu važeće i da se ne može koristiti u pravne svrhe ili sporove:
- Iz izvještaja nije vidljivo na kojem je formatu i dimenzijama listića izvršeno testiranje, niti da je korišten A4 format predviđen tenderskom dokumentacijom, što dovodi u pitanje relevantnost prikazanih rezultata (brzina i tačnost).
 - Nije dokazano ispunjenje zahtjeva za preciznost očitavanja $\geq 99,5\%$ na traženim dimenzijama polja, niti je potvrđena pouzdanost interpretacije listića $\geq 99,90\%$.
 - Testiranje je vršeno jednostrano, iako je tenderskom dokumentacijom zahtijevano dvostrano skeniranje glasačkih listića.
 - Dostavljeni dokaz ne potvrđuje funkcionalnosti sistema koje se odnose na prepoznavanje i klasifikaciju glasova (različiti oblici oznaka, važeći/nevažeći listići, proporcionalni i većinski sistem, automatska kategorizacija).

Iz dostavljenog dokaza proizlazi da se eventualno potvrđuje samo preciznost očitavanja pojedinačnih markiranih polja (OMR/OCR), ali nije dokazano da sistem osigurava pouzdanost interpretacije cijelog glasačkog listića, uključujući logičku provjeru i klasifikaciju glasova u skladu sa tehničkom specifikacijom.

c) Ponuđač nije dokazao da ponuđena gramaža papira (90 g) ispunjava zahtjeve ugovornog organa, imajući u vidu da je ista ispod referentnih vrijednosti iz tenderske dokumentacije.

- Iako je dopuštena drugačija gramaža, ponuđač nije dostavio adekvatan dokaz da ponuđena kombinacija papira i opreme ne ostavlja tragove prilikom skeniranja, što je bio izričit uslov.
- Test report ne potvrđuje da papir od 90 g, u kombinaciji sa ponuđenim skenerom, osigurava traženu preciznost i pouzdanost u složenim uslovima izbornog procesa (više listića, različiti formati i obostrano štampanje).
- Navodi ponuđača o kvalitetu papira imaju karakter izjave, bez odgovarajuće tehničke verifikacije ili dokaza.

Ponuđač je propustio dokazati ključni zahtjev da ponuđeni papir ne ostavlja tragove prilikom skeniranja, kako je traženo tenderskom dokumentacijom i pojašnjenjem.

Stoga, Komisija odbija ponudu Grupe ponuđača „Planet Soft“ d.o.o. Banja Luka koju je ocijenila neprihvatljivom iz razloga neispunjavanja svih uslova propisanih tenderskom dokumentacijom.

Detaljno obrazloženje razloga neprihvatanja ponuda ponuđača Provis“ doo, Bijeljina i Grupe ponuđača „Planet Soft“ doo Banja Luka su navedeni u Zapisniku o pregledu i ocjeni ponuda.

Shodno navedenom Komisija zauzima stav da se ponude:

1. Ponuđača“ Provis“ doo, Bijeljina i
2. Grupe ponuđača „Planet Soft“ doo Banja Luka, nosilac Grupe, smatraju neprihvatljivim za ugovorni organ, te ne mogu biti predmet daljeg vrednovanja.

Nadalje, Komisija je u postupku ocjenjivanja kvalificiranosti ponuda utvrdila da su dostavljene ponude Grupe ponuđača “Smartmatic BH” d.o.o., 71 000 Sarajevo i ponuđača „Artco Group“ d.o.o., Marka Marulića br. 2, 71 000 Sarajevo u skladu sa zahtjevima iz tenderske dokumentacije, i ocijenila iste prihvatljivim, i rangirala prema kriteriju ekonomski najpovoljnija ponuda sa podkriterijima, cijena, rok isporuke i dužina trajanja produžene garancije, kako slijedi:

Naziv ponuđača		Cijena	Rok isporuke	Produžena garancija	Ukupno bodova
		Broj bodova	Broj bodova	Broj bodova	
1	Grupa ponuđača “Smartmatic BH” doo, Sarajevo, u čijem su sastavu “Samartmatic International Holding” B.V. Amsterdam, Nizozemska i “DSC” Agencija za zaštitu ljudi i imovine	82.808.284,27 sa popustom 10% odnosno 8.280.828,43 Što iznosi 74.527.455.84 70 bodova	139 dana 10 bodova	5. godina 20 bodova	100

2	„Artco Group“ doo, Sarajevo, Marka Marulića br. 2, 71 000 Sarajevo.	79.791.281,00 65,3 bodova	170 dana 8,17 bodova	5. godina 20 bodova	93,47
---	---	------------------------------	----------------------------	------------------------	-------

Shodno gore navedenom, Komisija je uputila preporuku Centralnoj izbornoj komisiji BiH za izbor Grupe ponuđača “Smartmatic BH” d.o.o., 71 000 Sarajevo, **nosilac grupe** i u čijem sastavu su “Smartmatic International Holding” B.V. Amsterdam, Nizozemska i “DSC” Agencija za zaštitu ljudi i imovine, Ante Fijamenga 14 B, 71 000 Sarajevo, članovi grupe i dodjelu ugovora za nabavku opreme sistema za biometrijsku identifikaciju birača i za skeniranje glasačkih listića na biračkim mjestima, po ponuđenoj cijeni u iznosu od 82.808.284,27 KM sa popustom od 10%, koji iznosi 8.280.828,43 KM što ukupno iznosi 74.527.455,84 KM bez PDV-a. Navedeni ponuđač nije PDV obveznik. Ugovor se dodjeljuje na period od četiri (4) godine, sa rokom isporuke opreme od 139 dana od dana potpisivanja ugovora i produženom garancijom od 5. godina.

Iz navedenih razloga, primjenom člana 64. stav (1) tačka a), člana 70. stav (1) i (3), odlučeno je kao u dispozitivu ove odluke.

Pouka o pravnom lijeku

Protiv ove odluke može se izjaviti žalba Uredu za razmatranje žalbi u roku od 10 dana od dana prijema odluke. Žalba se podnosi putem Centralne izborne komisije BiH.

Broj: 07-2-16-3-893-221/25
Sarajevo, 19.03.2026. godine

Dostavljeno:

1. Ponuđačima 4x
2. Odsjeku za materijalno finansijske poslove 2x
3. Na web stranicu CIK BiH i
4. A/a

Predsjednik
Jovan Kalaba
Jovan Kalaba

